

Razocarenje Ureda Visokog predstavnika (sektor Jug) sjednicom Gradske uprave Mostara

Sudija Finn Lynghjem izrazava svoju ozbiljnu zabrinutost i nezadovoljstvo danasnjom sjednicom Gradske uprave na kojoj je trebalo donijeti konacnu odluku o obavezivanju na projekat Svjetske banke u vrijednosti od 12 miliona americkih dolara, a u vezi vodovoda. Odluka nije donesena, ali odluceno je poduzeti jos neke dodatne aktivnosti koje zahtjevaju i dodatnog vremena, a sve u vrijeme kada isticu svi rokovi.

Kao sto je Ured Visokog predstavnika Jug konstatovao juce, o ovom sporazumu razgovara se vec 18 mjeseci. Da podsjetimo, sporazum je potpisan 26. novembra 1998. godine i upucen je Svjetskoj banci, a u njemu su se i Gradonacelnik i Dogradonacelnik, zajedno s predstavnicima oba preduzeca Vodovod, obavezali da ce stvoriti politicke uslove za zajednicko upravljanje u najkracem mogucem vremenu.

Danasnja sjednica jos jednom je pokazala nedopustiv nedostatak profesionalnog i ozbiljnog pristupa vlasti. Ovakva vrsta ponasanja vodjstva ovoga grada ne daje dobar primjer bilo kojoj ustanovi medjunarodne zajednice koja zeli osigurati novac za ovaj grad.

Ovo je dar svim stanovnicima Mostara, kredit koji bi na kraju postao donacijom.

Trenutno stanje nedonosenja odluke od strane odgovornih vlasti grada Mostara o donaciji vrijednoj 12 miliona americkih dolara, koji bi bili ulozeni direktno u ekonomiju grada, dovodi do toga da donacija gotovo bude izgubljena zauvijek.

Osim moguceg ekonomskog gubitka, moguc je i potpuni gubitak novog modernog vodovodnog sistema sa cistom vodom koji bi funkcionisao godinama, i to zbog cistog nemara predstavnika svih gradjana Mostara.

Ista donacija dodatno bi rijesila i sanitetske probleme grada.